




遍涉周秦两汉经史子文献

追索引《易》释《易》用《易》之痕迹

集周秦两汉诸家运用与研究《易经》之大成

◎ 徐芹庭 著

周秦两汉五十三家易义



中国书店




遍涉周秦两汉经史子文献

追索引《易》释《易》用《易》之痕迹

集周秦两汉诸家运用与研究《易经》之大成

◎ 徐芹庭 著

周秦两汉五十三家易义



中国书店

图书在版编目 (CIP) 数据

周秦两汉五十三家易义/徐芹庭著. —北京: 中国书店, 2011. 2
ISBN 978 - 7 - 80663 - 980 - 1

I. ①周… II. ①徐… III. ①周易 - 研究 IV. ①B221.5

中国版本图书馆 CIP 数据核字 (2011) 第 003308 号

周秦两汉五十三家易义

徐芹庭 著

责任编辑: 陈利辉

出版发行: **中国书店**

地 址: 北京市琉璃厂东街 115 号

邮 编: 100050

印 刷: 北京集惠印刷有限责任公司

开 本: 710 × 1010 1/16

版 次: 2011 年 2 月第 1 版 2011 年 2 月第 1 次印刷

字 数: 260 千字

印 张: 16.5

书 号: ISBN 978 - 7 - 80663 - 980 - 1

定 价: 45.00 元

敬告读者

本版书凡印装质量不合格者由本社调换,
当地新华书店售缺者可由本社邮购。



序

夫《易》者，含盖宇宙，纵贯百家，竖穷三界，横遍八方之学也。伏羲作之，文王继之，周公蕴之，孔子传之，百代不绝，故不可以一家一派论之，必得博通古今，天文地理无一不能，探赜索幽，三教九流无一不识，人可以配德于孔颜仙佛，出可以成就内圣外王之业者，始能知其鸿绪，识其微旨矣。今易学大师芹庭先生集数十年之探索，成《古易百家阐微》丛书共十余种，将隋唐以前鲜为人知之《易经》、《易术》总汇于斯，以弘先儒之绝学，开后世之觉路，显潜德之辉光，作治平之指南尔。

今以易学发展之脉络为据，收录丛书中《周秦易经学及其应用》、《西汉十八家易义》、《东汉二十家易义》三部合为一书，题为《周秦两汉五十三家易义》，以简体横排，普惠读者。书中主要论述中国周秦至两汉时代经典论著中解《易》、说《易》、引《易》、证《易》之理论，以明及《易》义，兼亦会通其说，是为了解周秦两汉易学研究概况必备之书。





目 录

第一章 周秦十五家易义	(1)
一、《春秋》内外传易义	(1)
二、《论语》易说	(8)
三、《孟子》易说	(19)
四、《荀子》易说	(28)
五、蔡泽易说	(30)
六、《吕氏春秋》易说	(33)
七、《大戴礼记》易说	(34)
八、《小戴礼记》易说	(38)
九、《孝经》与《易经》	(43)
十、《阴符经》与《易经》	(46)
十一、《天机经》与《易经》	(50)
十二、《清净心经》与《易经》	(53)
十三、《内观经》与《易经》	(54)
十四、《老子》与《易经》	(56)
十五、《鬼谷子》与《易经》	(69)
第二章 西汉十八家易义	(96)
一、陆贾易义	(96)
二、贾谊易义	(102)
三、董仲舒易说	(105)
四、司马季主易说	(121)
五、司马迁易说	(124)
六、桑弘羊与桓宽易义	(129)
七、邴吉易说	(130)
八、魏相易说	(133)
九、夏侯胜《易经》灾异说	(136)
十、王褒易义	(137)
十一、翼奉《易经》灾异说	(138)
十二、匡衡易义	(139)



十三、李寻《易经》灾异说	(141)
十四、眭孟灾异说	(145)
十五、谷永易义	(145)
十六、杜氏易说	(148)
十七、刘氏易义	(149)
十八、伏万寿《周易集林》	(168)
第三章 东汉二十家易义	(169)
一、冯衍易说	(169)
二、桓谭易说	(170)
三、班固易义	(171)
四、张衡易说	(186)
五、鲁恭易义	(189)
六、黄琼易说	(191)
七、黄宪《外史·论易》	(193)
八、郎顗卦气灾异经纬之学	(193)
九、朱穆易说	(199)
十、王符易义	(200)
十一、王充易义	(217)
十二、杨氏易论	(221)
十三、谢弼易说	(225)
十四、马廖易说	(226)
十五、周举易说	(227)
十六、蔡邕易说	(228)
十七、徐幹易义	(231)
十八、仲长统易说	(243)
十九、应劭易义	(244)
二十、荀悦易义	(252)





第一章 周秦十五家易义

一、《春秋》内外传易义

孔子作《春秋》，左丘明作《春秋左氏传》，是为《春秋内传》，复作《国语》，是为《春秋外传》，今就其引易说辑成《〈春秋〉内外传易义》。

《易》，《周易》。

晋侯使韩宣子来聘，见《易象》与《鲁春秋》曰：“周礼尽在鲁矣，吾今乃知周公之德与周之所以王也。”（《左传·鲁昭公二年》）

按：《易象》，《周易》之书也。《周礼》，周公所示之中央政府组织法及其建国大纲。

乾，初九：潜龙勿用。九二：见龙在田。九五：飞龙在天。用九：见群龙无首，吉。

史墨曰：“龙水物也，水官弃矣，故龙不生得。不然，《周易》有之：‘在乾之姤。’曰：‘潜龙勿用。’其同人曰：‘见龙在田。’其大有曰：‘飞龙在天。’其夬曰：‘亢龙有悔。’其坤曰：‘见群龙无首，吉。’坤之剥曰：‘龙战于野。’若不朝夕见，谁能物之？”（《左传·昭公二十九年》）

按：乾为龙，初九变为乾之姤，二爻变为乾之同人，五爻变为乾之大有，六爻皆变为用九，坤之上爻变为坤之剥。

坤，六五：黄裳元吉。

南蒯之将叛也，枚筮之。遇坤之比曰：“黄裳元吉。”以为大吉也。示子服惠伯曰：“即欲有事，何如？”惠伯曰：“吾尝学此矣。忠信之事则可。不然，必败。外强内温，忠也。和以率贞，信也。故曰：‘黄裳元吉。’黄，中之色也。裳，下之饰也。元，善之长也。中不忠，不得其色。下不恭，不得其饰。事不善，不得其极。外内倡和为忠，率事以信为恭，供养三德为善，非此三者弗当。且夫《易》不可以占险。将何也？且可饰乎？中美能黄，上美能元，下美则裳。参成可筮，犹有阙





也，筮虽吉，未也。”（《左传·昭公十二年》）

按：坤之比，坤五爻变也。筮者有其德，方应是象。黄，中也。裳，喻谦下也。元，大也，善之长也，仁之至也。有此三德，方吉。若无德弗能当，必凶也。

上六：龙战于野，其血玄黄。

坤之剥曰：“龙战于野。”（《左传·昭公二十九年》）

屯：元亨利贞。勿用有攸往。利建侯。初九：盘桓，利居贞，利建侯。

卫襄公夫人姜氏无子，嬖人嬖始生孟縶。孔成子梦康叔谓己：“立元！余使鞅之孙圉与史苟相之。”史朝亦梦康叔谓己：“余将命而子苟与孔蒸钅之曾孙圉相元。”史朝见成子，告之梦。梦协。晋韩宣子为政，聘于诸侯之岁，嬖始生子，名之曰元。孟縶之足不良，弱行。孔成子以《周易》筮之，曰：“元尚享卫国，主其社稷！”遇屯又曰：“余尚立縶，尚克嘉之！”遇屯之比，以示史朝。史朝曰：“元享又何疑焉。”成子曰：“非长之谓乎？”对曰：“康叔名之，可谓长矣。孟非人也，将不列于宗，不可谓长。且其繇曰：‘利建侯。’嗣吉，何建？建，非嗣也。二卦皆云，子其建之。康叔命之，二卦告之。筮袭于梦，武王所用也。弗从，何为？弱足者居侯，主社稷，临祭祀，奉民人，事鬼神，从会朝，又焉得居？各以所用，不亦可乎！”故孔成子立卫灵公。（《左传·昭公七年》）

按：元，即卫灵公也。得屯卦，元亨利贞，故吉也。孟縶足残障，未当其任也。遇屯之比即屯初九“盘桓，利居贞，利建侯”。下震为足，坎为灾。为宜封侯，利居贞而已，不宜为君也。

公子重耳亲筮之，曰：“尚有晋国！”得贞屯，悔豫，皆八也。筮史占之，皆曰：“不吉。闭而不通，爻无为也。”司空季子曰：“吉。是在《周易》，皆‘利建侯’。不有晋国，以辅王室，安能建侯？我命筮曰：‘尚有晋国！’筮告我曰：‘利建侯。’得国之务也。吉孰大焉？震，车也。坎，水也。坤，土也。屯，厚也。豫，乐也。车班外内，顺以训之。泉原以资之，土厚而乐其实。不有晋国，何以当之？震，雷也，车也。坎，劳也，水也，众也。主雷与车而尚水与众。车有震，武也。众而顺，文也。文武具，厚之至也。故曰屯。其繇曰：‘元亨利贞。勿用有攸往，利建侯。’主震雷，长也。故曰元。众而顺，嘉也。故曰亨。内有震雷，故利贞。车上水下，必伯。小事不济，壅也。故曰勿用有攸往。一夫之行也，众顺而有武威，故曰利建侯。坤，母也。震，长男也。母老子强，故曰豫。其繇曰：‘利建侯行师。’居乐出威之谓也。





是二者，得国之卦也。”（《国语·晋语》）

按：筮得屯之豫卦，屯卦初九、六四、九五三爻变即成豫卦。本卦为贞，变卦为悔。豫卦初六、九四、六五三爻变即成屯。故曰皆八，八者阴也。阴变阳为主也。屯卦豫卦皆利建侯，屯初九、六四、九五居革命之士位、诸侯位、天子位，故吉也。此以象释《易》。

初，毕万筮仕于晋。遇屯之比，辛廖占之，曰：“吉。屯固，比人，吉孰大焉？其必蕃昌。震为土，车从马，足居之，兄长之，母覆之，众归之。六体不易，合而能固，安而能杀，公侯之卦也。公侯之子孙，必复其始。”（《左传·闵公元年》）

按：屯之比，初九爻变也。本卦屯，变卦成比。故曰屯固比人。震为大涂，涂亦土也。为马为足为长男为兄。比卦下坤为众为母，为顺为安。震为公侯之象。

师，初六：师出以律，否臧凶。

晋师救郑，及河，闻郑既及楚平，桓子欲还。彘子曰：“不可。”以中军佐济。知庄子曰：“此师殆哉！《周易》有之，在师之临曰：‘师出以律，否臧凶。’执事顺成为臧，逆为否。众散为弱，川壅为泽。有律以如己也，故曰律。否臧，且律竭也。盈而以竭，天且不整，所以凶也。不行之谓临，有帅而不从。临孰甚焉！此之谓矣。果遇，必败。彘子尸之，虽免而归，必有大咎。”（《左传·宣公十二年》）

按：师之临，初六爻变也。彘子不从军律，擅自引一军渡河，终致晋败，自己死亡。臧，善也。否，不也。坤为丧，临者上治下也。不服从上级元帅命令，故不行而败矣。

泰：小往大来，吉亨。

十月，惠公卒。十二月，秦伯纳公子。董因迎公于河。公问焉曰：“吾其济乎？”对曰：“臣筮之，得泰之八，曰：‘是谓天地配，亨，小往大来。’今及之矣，何不济之有？”（《国语·晋语》）

按：此以泰卦卦辞为断，六爻未变也，八者阴也，不动也。无动爻也。故小往大来，吉而成功也。

六五：帝乙归妹，以祉元吉。

晋赵鞅卜救郑，遇水适火，占诸史赵、史墨、史龟。史龟曰：“是谓沈阳，可以兴兵。利以伐姜，不利子商。伐齐则可，敌宋不吉。”史墨曰：“盈，水名也。子，水位也。名位敌，不可干也。炎帝为火师，姜姓其后也。水胜火，伐姜则可。”史赵曰：“是谓如川之满，不可游也。郑方有罪，不可救也。救郑则不吉，不知其它。”阳虎以《周易》



筮之，遇泰之需曰：“宋方吉，不可与也。微子启，帝乙之元子也。宋郑，甥舅也。祉，禄也。若帝乙之元子归妹而有吉禄。我安得吉焉？”乃止。（《左传·哀公九年》）

按：泰之需，泰六五爻变也。故即以断卦。齐，姜姓。子，宋姓。史墨、史龟皆以伐齐则可，伐宋不吉。史赵、阳虎皆以为救郑不吉。后者以泰六五为断。

否之匪人，不利君子贞，大往小来。

单襄公曰：“成公之归也，吾闻晋之筮之也，遇乾之否，曰：‘配而不终，君三出焉。’一既往矣，后之不知，其次必此。”（《国语·周语》）

按：乾之否者，乾卦初九、九二、九三、三爻皆变也。乾，初九潜龙，九二见龙，九三宜自强不息，戒慎警惕，皆有待而为，非上吉也。而否卦，则径示不吉矣。

大有，九三：公用享于天子，小人弗克。

秦伯师于河上，将纳王。狐偃言于晋侯曰：“求诸侯莫如勤王。诸侯信之，且大义也。继文之业，而信宣于诸侯，今为可矣。”使卜偃卜之，曰：“吉。遇黄帝战于阪泉之兆。”公曰：“吾不堪也。”对曰：“周礼未改。今之王，古之帝也。”公曰：“筮之！”筮之，遇大有之睽。曰：“吉。遇公用享于天子之卦。战克而王飨，吉孰大焉？且是卦也，天为泽以当日。天子降心以逆公，不亦可乎？大有去睽而复，亦其所也。”晋侯辞秦师而下。（《左传·僖公二十五年》）

按：大有之睽，三爻变也。乾为天，互兑泽，离为火为日，九三，三公位，大有变睽，故曰去睽，以九三为断，故曰复。

六五：厥孚交如，威如，吉。

成季之将生也，桓公使卜楚丘之父卜之。曰：“男也，其名曰友，在公之右，间于两社，为公室辅。季氏亡则鲁不昌。”又筮之，遇大有之乾。曰：“同复于父，敬如君所。”及生，有文在其手曰“友”，遂以命之。（《左传·闵公二年》）

按：大有之乾，六五爻变也。即以六五为断。变乾，乾为父为君，故曰同复于父，敬如君所。

豫：利建侯行师。

贞屯悔豫皆八。（具见屯卦）

随：元亨利贞。无咎。

穆姜薨于东宫。始往而筮之，遇艮之八。史曰：“是谓艮之随。随





其出也，君必速出。”姜曰：“亡！是于《周易》曰：‘随：元亨利贞，无咎。元，体之长也。亨，嘉之会也。利，义之和也。贞，事之干也。体仁足以长人，嘉德足以合礼，利物足以和义，贞固足以干事。’然故不可诬也。是以虽随无咎。今我妇人，而与于乱。固在下位，而有不仁，不可谓元。不靖国家，不可谓亨。作而害身，不可谓利。弃位而姤，不可谓贞。有四德者，随而无咎。我皆无之，岂随也哉！我则取恶，能无咎乎？必死于此，弗得出矣！”（《左传·襄公九年》）

按：艮之随。艮初六、九三、六四、六五、上九爻变为随也。艮之八者，言阴阳爻变成随也。艮，止也，随，从也。以艮卦断是固止，而九三则凶，故劝彼出也。以变卦随断，虽无咎而德不正则凶矣。故凶。此引与《乾·文言》多同。当是孔子传《易》已久，故当时多能理解。

蛊：元亨，利涉大川。先甲三日，后甲三日。

秦伯伐晋，卜徒父筮之，吉。涉河，侯车败。诘之，对曰：“乃大吉也。三败必获晋君。其卦遇蛊，曰：‘千乘三去，三去之余，获其雄狐。’夫狐蛊，必其君也。蛊之贞风，其悔山也。岁云秋矣，我落其实，而取其材，所以克也。实落材亡，不败何待？三败及韩。”壬戌，战于韩原。晋戎马还泞而止。秦获晋侯以归。（《左传·僖公十五年》）

赵孟曰：“何谓蛊？”医和对曰：“淫溺惑乱之所生也。于文：皿虫为蛊。谷之飞亦为蛊。在《周易》，女惑男，风落山，谓之蛊。”（《左传·昭公元年》）

按：蛊卦上艮为山，下巽为风，巽长女为女，艮少男为男，上卦为贞，下卦为悔，巽为木材，互坎为狐，离为飞鸟，巽入为虫，此以象解《易》。

观，六四：观国之光，利用宾于王。

陈厉公，蔡出也。故蔡人杀五父而立之。生敬仲，其少也，周史有以《周易》见陈侯者。陈侯使筮之，遇观之否。曰：“是谓‘观国之光，利用宾于王’。此其代陈有国乎？不在此，其在异国。非此其身，在其子孙。光远而自他有耀者也。坤，土也。巽，风也。乾，天也。风为天于土上，山也。有山之材，而照之以天光，于是乎居土上。故曰：‘观国之光，利用宾于王。’庭实旅百，奉之以玉帛。天地之美具焉。故曰：其在后乎？风行而著于土。故曰：其在异国乎？若在异国，必姜姓也。姜，大岳之后也。山岳则配天，物莫能两大。陈衰，此其昌乎！”及陈之初亡也，陈桓子始大于齐。其后亡也，成子得政。（《左传·庄公二十二年》）



按：观之否即观第四爻变，即以观六四为断，观上巽为风，下坤为地为土为国。否上卦为乾，乾为天，互卦艮为山，巽为木材。乾为王为金玉为天。大岳，山也，艮为山变乾天故也。

复：亨。出入无疾，朋来无咎，反复其道，七日来复。

楚子救郑。苗贲皇言于晋侯曰：“楚之良在其中军，王族而已。请分良以击其左右。而三军萃于王卒，必大败之。”公筮之，史曰：“吉。其卦遇复，曰：‘南国蹇，射其元，王中厥目。’国蹇王伤，不败何待？”公从之。（《左传·成公十六年》）

按：其辞不见于今本《易经》，存异可也。复卦上坤为丧，为国。下震为公侯，离半见，离为目为干戈。

上六：迷复，凶。

蔡侯之如晋也。郑伯使游吉如楚。及汉，楚人还之。曰：“宋之盟，君实亲辱。今吾子来，寡君谓吾子姑还。吾将使驹奔问诸晋而以告。”子太叔归，复命。告子展曰：“楚子将死矣。不修其政德，而贪昧于诸侯以逞其愿。欲久，得乎？《周易》有之，在复之颐曰：‘迷复，凶。’其楚子之谓乎！欲复其愿而弃其本，复归无所。是谓迷复。能无凶乎？”（《左传·襄公二十八年》）

按：复上六爻变为颐，即以复上六迷复断。坤为迷为丧，迷复故凶矣。

大壮：利贞。

史墨曰：“社稷无常奉，君臣无常位。自古以然。故《诗》曰：‘高岸为谷，深谷为陵。’三后之姓，于今为庶，王所知也。在《易》卦，雷乘乾曰大壮，天之道也。”（《左传·昭公三十二年》）

按：大壮，下乾为天，互兑毁折，故有是象。

明夷，初九：明夷于飞，垂其翼，君子于行，三日不食，有攸往，主人有言。

初，穆子之生也，庄叔以《周易》筮之。遇明夷之谦。以示卜楚丘，曰：“是将行，而归为祀，以谗人入，其名曰牛，卒以馁死。明夷，日也，日之数十，故有十时，亦当十位。自王已下，其二为公，其三为卿，日上其中，食日为二，旦日为三。明夷之谦，明而未融。其当旦乎？故曰：‘为子祀。’日之谦当鸟，故曰：‘明夷于飞。’明而未融，故曰：‘垂其翼。’象日之动，故曰：‘君子于行。’当三在旦，故曰：‘三日不食。’离，火也。艮，山也。离为火，火焚山。山败。于人为言，败言为谗。故曰：‘有攸往。主人有言。’言必谗也。纯离为牛，





世乱谗胜，胜将适离，故曰：‘其名曰牛。’谦不足，飞不翔，垂不峻，翼不广。故曰：‘其为子后乎。’吾子，亚卿也。抑少不终。”（《左传·昭公五年》）

按：明夷初九变为谦，即以明夷初九为断。明夷上坤下离，谦上坤下艮。坤为牛，艮为子，为山为少为后。坤位十，离为日为飞鸟。互坎为灾。

六三：困于石，据于蒺藜，入于其宫，不见其妻，凶。

齐棠公之妻，东郭偃之姊也。东郭偃臣崔武子。棠公死，偃御武子以吊焉。见棠姜而美之，使偃取之。偃曰：“男女辨姓，今君出自丁，臣出自桓，不可。”武子筮之，遇困之大过。史皆曰：“吉！”示陈文子。文子曰：“夫从风，风陨妻，不可娶也。且其繇曰：‘困于石，据于蒺藜，入于其宫，不见其妻，凶。’困于石，往不济也。据于蒺藜，所恃伤也。入于其宫，不见其妻，凶。无所归也。”崔子曰：“螫也，何害？先夫当之矣。”遂取之。（《左传·襄公二十五年》）

按：困六三变为大过，即以六三为断。困上兑下坎，大过下巽。坎为中为夫，变巽为长女为风为妻，互艮为石为宫，巽为木为蒺藜，兑为毁伤。

归妹，上六：女承筐，无实。士刲羊，无血，无攸利。

初，晋献公筮嫁伯姬于秦，遇归妹之睽。史苏占之，曰：“不吉。其繇曰：‘士刲羊，亦无血也。女承筐，亦无貺也。西邻责言，不可偿也。归妹之睽，犹无相也。’震之离，亦离之震。为雷为火，为嬴败姬。车说其輹，火焚其旗，不利行师，败于宗丘。归妹睽孤，寇张之弧，侄其从姑，六年其逋，逃归其国，而弃其家。明年，其死于高梁之虚。”及惠公在秦，曰：“先君若从史苏之占，吾不及此夫！”韩简侍曰：“龟，象也。筮，数也。物生而后有象，象而后有滋，滋而后有数。先君之败德及，可数乎？史苏是占，勿从何益？”（《左传·僖公十五年》）

按：晋献公实败德，故凶上更凶，若其有德，则可化凶为吉。归妹上六爻变为睽，即以所筮之上六爻为断。上震为木为东，为筐为元士，为公侯为车，下兑为女为泽为毁折，为西为羊，互坎为血，变卦睽卦上卦为离互艮为家，此以象解。

丰，上六：丰其屋，蔀其家，窥其户，阒其无人。三岁不覿，凶。

郑公子曼满与王子伯廖语，欲为卿。伯廖告人曰：“无德而贪，其在《周易》丰之离，弗过之矣。”间一岁，郑人杀之。（《左传·宣公六年》）





按：丰上六变成离，即以上六爻断。互兑为毁折，离为干戈，互艮为家，为户为屋，离三为三年为见，兑折之故不见，此直以《易》爻断吉凶而不待筮。

二、《论语》易说

《论语》者，孔子门弟子之所论述也。由有子、曾子、子夏、子贡之徒率领而整理以成，于中可见孔子与门弟子日常生活、起居教学、问对交谈之详情，亲切如慈母，尊荣如严父，温和如春风，淳良如美酒，真千古难见不可多得之圣经也。世传孔子教弟子有三千，孔子曰：“受业身通者七十有七人，皆异能之士也。”（《史记·仲尼弟子列传》）而《孔子世家》则云：“孔子晚而喜《易》，序《彖》、《系》、《象》、《说卦》、《文言》，读《易》，韦编三绝，曰：‘假我数年，若是我于《易》则彬彬矣。’”孔子以《诗》、《书》、《礼》、《乐》教弟子，盖三千焉，身通六艺者，七十有二人。如颜浊邹之徒，颇受业者甚众。

六艺者礼乐射御书数也。亦或曰：《易》、《书》、《诗》、《礼》、《乐》、《春秋》六经也。六经整理撰述于孔子，而孔子以之为教材教弟子，通者七十二人，得其直接间接教化者盖三千人，于当时政教社会人心，确实影响很大。至汉武帝时董仲舒建议，罢黜百家，独尊孔子，二千二百多年来成为我国教育之中心。民国初年浅学之徒崇洋卑己，打倒孔家店，遂令于今世道刻薄，人伦道德几乎毁灭，社会人心大坏，世界风云日紧，民主政客贪污腐化日多，社会问题日以严重，非用孔子之教，实无以挽救。而今人视他国之作品为圣经，自己之文化，反而卑夷日甚。嗟呼！欲拯救世乱，必从孔子之教始，则《论语》、《孝经》、五经，所必先提倡者也。余有诗曰：

（一）

夜深不寐望天河，兵气萧森誓字多。
举目苍生多痛苦，怎堪肖小骋干戈。

（二）

俗昏时乱数十秋，风雨江山愁满楼。
天下苍生沈苦海，干戈扰扰何时休！

（三）

翘首神州志未酬，世风衰败令人愁。
澄清还有雄心在，抚剑低徊又一秋。





(四)

世乱俗昏救世方，儒家孔子立纲常。

书生报国迂筹策，侠客哀时最感伤。

一统环球王霸业，十方共庆太平乡。

亿千宇宙永安定，无量众生寿且康。

救人类救世界救国家，唯有从孔子之教育始。而《史记》谓“孔子读《易》，韦编三绝，序《彖》、《系》、《象》、《说卦》、《文言》”，则《彖》辞、《象》辞、《说卦》、《文言》，确是孔子所作，至于《系辞》、《序卦》、《杂卦》未言者，多是孔子门人所编故也，如是整部《易经》与《论语》，皆孔门心法也。今以《易》注《论语》，尤见其相关之密切也。

《学而第一篇》：子曰：“学而时习之，不亦悦乎？有朋自远方来，不亦乐乎？人不知而不愠，不亦君子乎？”

君子学以聚之，问以辩之，宽以居之，仁以行之，《易》曰：见龙在田，利见大人。君德也。（《乾·文言》）

兑卦《象》曰：君子以朋友讲习。乾初九曰：潜龙勿用，何谓也？子曰：龙德而隐者也。不易乎世，不成乎名，遯世无闷，乐则行之，忧则违之，确乎其不可拔，潜龙也。

按：集学思问辩，学而时习之也。朋友讲习，朋自来而乐也。不知而不愠，遯世无闷，忧而违之，乐而行之也。

曾子曰：“吾日三省吾身，为人谋而不忠乎？与朋友交而不信乎？传不习乎？”

《蹇·象》曰：君子以反身修德。

按：三省吾身，所以反省修德也。

子曰：“君子不重则不威，学则不固，主忠信，无友不如己者，过则勿惮改。”

子曰：君子进德修业，忠信所以进德也。（《乾·文言》）

大有，六五：厥孚交如，威如，吉。

按：孚信而威如，庄重有威也。忠信进德，学则固矣。

曾子曰：“慎终追远，民德归厚矣。”

《豫·象》曰：先王以作乐崇德，殷荐之上帝，以配祖考。

按：殷荐上帝配祖考，所以慎终追远也。

有子曰：“礼之用，和为贵。先王之道，斯为美。小大由之，有所不行。知和而和，不以礼节之，亦不可行也。”



《乾·彖》曰：保合大和，乃利贞。

《节·彖》曰：节以制度，不伤财，不害民。

按：保合大和，以利贞。及制度数，以礼节和也。

有子曰：“信近于义，言可复也。恭近于礼，远耻辱也。因不失其亲，亦可宗也。”

《中孚·彖》曰：豚鱼吉，信及豚鱼也。

利者义之和也，嘉会足以合礼，利物足以和义，贞固足以干事。
(《乾·文言》)

按：信及豚鱼，信近于义也。恭近于礼，嘉会足以合礼也，因不失其亲，亦可宗也，贞固足以干事也。

子贡曰：“贫而无谄，富而无骄何如？”子曰：“可也。未若贫而乐，富而好礼者也。”

是故居上位而不骄，在下位而不忧。故乾乾因其时而惕，虽危无咎矣。(《乾·文言》)

按：居上不骄则富贵好礼，在下不忧则贫而乐也。

《为政第二篇》：子曰：“道之以政，齐之以刑，民免而无耻，道之以德，齐之以礼，有耻且格。”

蒙，初六：发蒙，利用刑人，用脱桎梏，以往吝。

按：发蒙，道之以德也。利用刑人，齐之以刑与礼也。

《八佾第三篇》：子曰：“禘自既灌而往者，吾不欲观之矣。”或问禘之说。子曰：“不知也，知其说者之于天下也，其如示诸斯乎？”指其掌。

《观·彖》曰：观，盥而不荐，有孚颙若，下观而化也。观天之神道，而四时不忒。圣人以神道设教，而天下服矣。

按：盥者，禘祭之灌礼也。

子曰：“居上不宽，为礼不敬，临丧不哀，吾何以观之哉？”

君子学以聚之，问以辩之，宽以居之，仁以行之。《易》曰“见龙在田，利见大人”，君德也。(《乾·文言》)

按：宽以居之，居上以宽也，仁以行之，居上以礼也。

《里仁第四篇》：子曰：“以约失之者鲜矣。”

《节·彖》：节以制度，不伤财，不害民。《象》曰：君子以制数度，议德行。

按：节以制数度议德行，不伤财害民，行之以约也。





子曰：“德不孤，必有邻。”

敬义立而德不孤，直方大，不习无不利，则不疑其所行也。
(《坤·文言》)

按：敬义立，则德不孤，德不孤则必有邻，而不疑其所行矣。

《公冶长第五篇》：回也，闻一以知十，赐也闻一以知二。

《同人·象》曰：君子以类族辨物。

夫《易》，圣人所以极深而研几也。唯深也，故能通天下之志；唯几也，故能成天下之务。(《系辞上》)

按：闻一以知二，闻一以知十，即今哲学科学之推演法、推论法、演绎法也。类族辨物者，归纳分析以推演也。夫如此，可以极深研精，以通天下之志，以成天下之务，而积学累德，以成内圣外王之功矣。

子曰：“吾未见刚者。”或对曰：“申枨。”子曰：“枨也欲。焉得刚？”

《乾·象》曰：天行健，君子以自强不息。

大哉乾乎！刚健中正，纯粹精也。(《乾·文言》)

《需·彖》曰：刚健而不陷，其义不困穷矣。

按：无欲则刚，有容乃大。存天理之正气，去人欲之私情，如此刚健中正行健不息，纯粹以刚，必不至于困穷，而能成内圣外王之业矣。

子谓子产，有君子之道四焉，其行己也恭，其事上也敬，其养民也惠，其使民也义。

直其正也，方其义也，君子敬以直内，义以方外。(《坤·文言》)

按：使民以义，义以方外也。事上也敬，敬以直内也。

子在陈曰：“归与归与，吾党之小子狂简，斐然成章，不知所以裁之。”

《坎·象》曰：君子以常德行，习教事。

按：常德行，习教事，所以使之斐然成章，而有以裁之者也。

颜渊曰：“愿无伐善，无施劳。”

善世而不伐，德博而化。(《乾·文言》)

子曰：“劳而不伐，有功而不德。厚之至也。”(《系辞上》)

按：有功而不德，善世而不伐，皆无夸张其善及其劳者也。

子曰：“已矣乎！吾未见能见其过而内自讼者也。”

《益·象》曰：君子以见善则迁，有过则改。